

<County: Yorkshire West Riding>

<Code: L0614>

<MS reference: London, BL Royal 17 A.xvi>

<Text: Vision of St Thomas and Hymn to Virgin on the seven joys>

<fol. 28v>It is red <rbd><several words></rbd>ry in hys life
 wyrchipt *our* lady saynt mari w^t fife ioes y^t scho hade
 in orth of her~ der son w^t gode deuocoun & suetnes of
 to whom *our* lady saynt mari Aperde & sayd whi+worchips
 y^u so mykyll & ioes me w^t yese ioes y^t ar past & noght
 w^t yos y^t j hau~ ay lastand in heuen *yer*-for wyrchip me
 w^t yese sewen ioes y^t filos ; y^o first is y^t my ioi passis
 all yo ioi of all y^o santes w^t-outyn *comparison* yo secund is
 y^t os yo son lyghtyns y^e world & yo day so my clernes
 lyghtyns all heuenly courts y^o thyrde is y^t all y^e heuenly
 courte obeys to me & worchyps me os qwen yo fourte
 is y^t to my sonn & to+me & to all y^o *trinite* is on wyll
 & wyllyng & euer herse my *prayers* y^o fyft is y^t god
 after my wyll rewardes all my *serwandes* her~ & in tym
 y^t is to comm y^o sext is j sat next y^o *trinite* cled<rbd><?></rbd>
 body glorifide y^o sewynt is y^t j am sykyr & *certain*
 y^t yes ioes sall alway last & neuer haue end &
 who so worchips me w^t yes ioes her~ in erth he
 <fol. 29r>sall se me in his last end & j sall sykyrly *present hym*
 in y^o syght of my son to ioi wyt me in euer
 lastyng~ blis endles Amen
 <space for initial>Ayll be y^u qwen of gret honour
 our lord yi hert has fild w^t *grace*
 Of mede & ioi y^u bers y^o flour
 y^u pas all santes be-for gods face
 haill be y^u spouse of gode chesyng~
 Os son to day in erth gifs lyght
 So my clernes gyfs lyghtynyng~
 Till all y^o courte of heuen full bryght
 Hayll wessell full of all godnes

All heuenle courte dos yⁱ byddyng~
 & wor-chyps y^e w^t gret suetnes
 Os qwen of all w^t-oute irkyng~
 Hayll be y^u may of hegh lifyng
 whos will <ill><blurred></ill> ar ay both on
 yerfor he grauntes y^e yin askyng
 For whom y^u prays he warns yer non
 <fol. 29v>Haill our conforth alway at nede
 after yⁱ will y^u seruand her
 our lord reward & gifs yaim mede
 in heuen & erth w^t santes seyr
 haill fair moder of criste jhesu
 y^t sites nest god in trinite
 Schinand in flech of all vertu
 is non ye like ne neuer sall be
 haill be y^u flour of women all
 y^u art sikyr y^t yes ioes sewen
 Sall neuer decrees ne 3hit dounn fall
 bot last in blis alway in heuen
 For yes sewenn ioes for hus y^u pray
 moder of criste y^t hus has boght
 y^t he hus kepe both nyght & day
 & set in hym our luf & thoght
 Criste ihesu lord of maieste
 <ill><1-2 words></ill> in heuen w^t gret lowyng~
 worchipt & set yⁱ moder fre
 in ioy & blis of all likyng
 y^u graunte hus grace thorgh her prayer
 yⁱ will to do all our lifyng
 & kepe hus ay fro <ill><2 words></ill>
 & graunte scho be at our endyng
 hus to defend fro our sinnys
 & conforth hus w^t yⁱ mercy
 So y^t we may in paradise
 wyth y^e & her duell endlesly
 Amen